

山西府縣志輯

中國地方志集成

雍正定襄縣志
光緒定襄縣補志

中國地方志集成

山西府縣志輯 ⑬

雍正
靈襄縣志

光緒
定襄縣補志

鳳凰出版社 ● 上海書店 ● 巴蜀書社

重續定襄縣志叙

邑之有志所以攷往俟來撫虛証實
著旌別昭勸懲勵人心而振風俗咸
於是乎在志之爲義綦重哉襄邑舊
無志有之自邑人處士劉紹先始奈
其義多滲漏且無定裁垂數十年有

定襄縣志

叙一

無極安公起而纂輯之視舊志爲加
詳而梗概乃定焉迨萬四十年豫
章王公重爲整修殘缺者補遺失者
序總核舊志益以新裁遂儼然爲一
邑成書後越九十餘載至康熙五十
一年珠崖王公復續而潤色之去質

存真莢繁潤藻祖述麟經而神明其

意其義嚴其詞贈其事周詳而明備
稽地理則山川形勢瞭如指掌也考
建置則縣治規模燦若列眉也論田
賦則土地之肥瘠戶口之登耗炳若
日星也而且壇壝祀典之嚴明官師

定襄縣志

叙二

人物之紀載宏祥藝文之畢錄煌煌
乎雲漢爲章誠一邑之鉅觀矣哉然
越今又十六載餘矣其間天時人事
之變遷沿革損益之流嬗所爲昔未
有而今爲創昔已故而今復新者每
月異而歲不同焉倘及今勿紀延之

上諭而爲

既以文獻凋零後有作者勢必名存失實信疑參半未免有決裂紕謬之患余以冀北庸流承乏襄宰每披閱往牒盱衡時事不禁切續貂之志顧其事或有欽遵

定襄縣志

叙三

皇仁所由推者或有奉自

憲裁而爲

功令所宜守者或則有裨於國計民生之大或則有關於倫常風化之原或則氣運之隆特有適於往古或則人情之變宜昭戒於來茲何者宜捐

俸以倡修何者宜設法以補救諸凡事類不一而足四載以來夙興夜寐既謀於同復斷於獨固不敢好大喜功於事之可以仍舊者過爲紛更亦不敢怠惰偷安使事之宜整於今者姑爲因循謹於簿書之暇與邑之紳

定襄縣志

叙四

士衆互考訂續著爲書其要總歸於勵人心振風俗以期與安王諸君子前後相印則庶可無愧厥心並可告無罪於襄民矣是爲叙肯

雍正五年歲次丁未孟夏朔日

勅封文林郎知定襄縣事益津王會隆

盛斯氏題於公署



定襄縣志

叙五

定襄縣舊志叙

夫志寓治理也治理者何宜土俗也恤民瘼也紀興
革也明祭統也昭成憲也樹芳軌也考文物也匪志
莫寓志可缺焉不講乎曩子奉命來治定襄襄舊無
志嘉靖末邑人劉紹先採集故實弗專而弗通繁而
弗理且缺而弗備質之治理焉未也越今歲己卯政
暇乃造里大夫張君及傳劉二春元問焉曰孔子謂
杞宋不足徵也文獻不足故也文不足獻任之子家

定襄縣志

叙

一

食時嘗纂予極志以備缺典今襄志之缺三君子謂
何僉曰二百年餘曠典也幸斯文主張敢不贊成遂
綜核古今延訪物議考訂謬誤補綴漏遺定為七卷
曰地里曰賦役曰建置曰秩祀曰宦業曰人物曰藝
林事按舊編義裁新例去取精於決擇是非協之輿
論公而通秩而理詳而備蓋範今垂後勿疑也台而
觀之辨川谷之勢則土俗可宜酌盈縮之數則民瘼
可恤考創建之原則興革有據達祈報之義則祭統

可明遵憲以史哲則循良媲美繼軌以思齊則俊髦
彙征以至徵文以稽蹟陳詩以觀風將金石之遺日
月輝煌倡和之節民物熙恬矣一展卷間而治理之
效如指諸掌其有裨茲邑豈淺鮮哉既脫藁捐俸付
梓人三閱月而告完事予慶其成也謹述其意于首
簡以告襄人且以告夫繼令者云昔
萬 已卯知定襄縣事無極安嘉士譔

定襄縣誌

叙

二

重修定襄縣志叙

襄之有志也自己卯無極安公始徵之矣先是世廟
末逸士劉紹先掇拾郡乘之舊益以所聞見次第其
事藏之且久而未有定裁安公取而潤色之而一邑
之志乃成志地理則無恤之雄圖可馮而吊也志賦
役則瘠土之窶氓可撫而有也志建置則規制之大
畧可拓而飾也志秩祀志官業則事神治人之義可
縷而指也志人物志藝文則徵文攷獻之故可學而
識也混沌之習剖為文明襄之山川神靈咸嘉賴之
固一時甚盛舉也第蘭蓀弗清騰縉且惡而諸所紀
載亦多畧而弗賅存而弗核如晉太傅劉殷誤為襄
人猶曰忻襄舊相屬也乃漢冠軍侯霍去病博陸侯
霍光反遺而未錄山川無恙亦率有存亡它可知耳
豈事難於創始作者不任誤遺而義無取於襲訛述
者何妨洗刷矧時閱數十載之乂中間新故之相推
損益之相乘沿革之殊勢質文之互變日異而月不

定襄縣誌

叙

同又非復疇曩之梗概矣嘗試為之卒業不覺有揮毫弔古之想爰自奉璽書臨蒞以來日諮訪鄉紳故老聞得於所聞輒記諸穎楮思一旦更而為之猶存乎見少也頃者再從玉帛之會而還計瓜期將及非稍一折衷而更鐫之前念終成虛矣始聚二三文學共相揚扆裒輯而授余余不厭紬繹為之去瑕葺敝加以新裁增所未有或謀於同或斷於獨筆削其文詞庚置其卷帙益以災祥志備修穰者之採擇三閱

定襄縣誌

叙

二

月而告竣雖於舊章多所決裂然釐正增損總歸於斥實存真以無謬於是非之實而止則安公之意且得余始暢祀宋之歎可無作矣付之剞劂氏以俟將來斯亦一方文獻得失之林也乃余則尤有深計焉今夫家督總一家則自內及外垣屋蓄畜以逮窖廩孳畜亞旅奴僕之屬靡不時料理息息補救稍未就緒汲汲焉忘日夜廢寢食而圖之猶慮瘠耗偶偏失其故也所云不愧家兒者類若此况提有四封之

內者乎又况瘠疲如襄而可不時為之致念乎蓋嘗歷覽疆域周察風土而知其地非有沃衍之澤也其民非有蓋藏之富也其俗又非有敦龐不變之風也故得其治則歡欣鼓舞人有樂生之心不得其治而疾首蹙額轉徙立至矣守土者奈何不念及此也念之此其時矣此建置田賦余毅然與之更始每篇之中三致意焉皇天后土實式臨之即起安公印可於一堂不知幾為躊躇幾為太息而余能一日忘襄民

定襄縣誌

叙

三

乎哉後之君子以愛一家之心愛此一方民要於厚下無務必同期在便國不嫌因應天子前席而問蒼生執此臚列敷之豈惟襄之凋瘵庶幾有瘳將文治之隆永底無斁斯志之作又奚翅僅僅傳信已也余且藉手為襄人歌樂利於無窮耳

萬 丙辰知定襄縣事豫章王立愛譔

續修定襄縣志叙

方今

聖天子在上車書一統薄海內外十五省廣袤幅員無遠弗屆其間若郡若州若縣基布星羅莫不有山川形勝官師人物之志流鴻影於盛明揭懿徽於封域蓋省郡州邑之有志猶國之有史也史氏代有專家援引幽邃程量謹嚴苟非祖述麟經而變通其義不足以鳴於天下後世故史遷作史記尚黃老而齊孔

定襄縣志

叙

壹

墨羞貧賤而羨富貴識者譏之司馬光資治通鑑允稱良史然義利稍偏有紫陽綱目而始正史學之難固如是乎况晉乘與魯春秋同出一時六卿三晉之事編次臚列悉載左國定襄雖三晉之一彈丸黑子典籍依然老成猶在純志所不能備者分著郡志郡志所未盡收者獨詳縣志志豈易言哉襄舊志無傳傳於邑逸士劉紹先掇拾滲漏垂數十年無極安公錄而纂緝之又數十年豫章王公焚蕪潤藻遂成一

邑之書亦云偉矣顧自明萬 丙辰迄今九十有七

年時移代嬗迭經變遷而志仍舊文慮無以備觀覽

昭勸戒時炯以海表書生承乏襄宰披閱往牒流連

者久之不禁喟然歎曰釋今勿徵後將失實舉凡風

俗之 淫人才之枯瘠戶口之登耗賦稅之盈虛文

獻凋零信疑參半即遠攷他書近諮街談巷語而十

得六七未免决裂紕繆每從簿書餘暇籌躇再四圖

有以續之而日坐風塵鞅掌中勞勞俗吏有志未遑

定襄縣志

叙

貳

恭值

今上御極之五十一年燭賡頻施湛恩汪濊熙熙皞皞

皞然擊壤歌衢共樂堯天舜日守茲土者敢不黼黻

太平珥筆以備輶軒之采乎爰進邑之紳士耆宿旁

按舊乘徧討遺編凡裨官野史斷碣荒碑咸蒐羅折

衷以求歸於確當賴得邑明經牛翰垣手鈔志藁參

互印證三閱月而續志以成按舊志衷次八卷今悉

因之如輿圖星野前帙已備畧加釐訂而田賦異其

則戶口殊其數邑有垣境則經界宜清也試有利額則選舉宜詳也學校以崇教化城垣以固封守忠孝節烈與日月而垂光詞賦詩歌紀休明而罔替他如祭器兵防屯田才利一切祥瑞災侵風尚物產之屬歲久舛訛又安可任其湮沒荒墜乎惟當新舊志絕續之交便捷扶輿氣生才應決而影附則洗滌自恣易掠浮響之詞所幸紳士耆宿皆考究根極之儒錯錯然元本不已裁浮闊謬存信闕疑而予才識疎庸

定襄縣志

余

卷

學殖荒落亦復漫試校雠妄削雷同擗摺窠臼雖不敢謂無一掛漏而致攷攷訛網舉目張若與曩時安王二公後先相符異代同心焉嗟嗟七人策名清時罕所樹立甚惜舉平生所誦習而弁髦之服古入官之謂何時炯炯風承家君庭訓此來萬里孤踪兢兢以清白自矢六載培塿日惟覆餗素餐是懼尚能稟經酌雅援古訂今揆是非之正協褒貶之宜以為邑乘光乎然襄國梓冀故地歷傳為秀容為晉昌因革隨

時而叢蒙峙其南漳沱環其北西拱藍皋東枕牛臺襟山帶河儼然金湯之勢且才人傑士接踵比肩載在史冊班班可考繼此者蜚英翹秀以待薪樞之用方諸古人何多讓耶獨其地逼雁雲俗雖儉民之蓋藏絕少良用慨然昔朱子詩註云晉地土瘠民貧勤儉質樸猶有陶唐氏之遺風自在後之賢有司節而愛之以上報我國家久道化成之教下庇此邦人飲和食德之長顧名思義子敢避續貂之誚乎哉昔

定襄縣志

叙

肆

康熙壬辰知定襄縣事珠崖王時炯謨

定襄縣志目錄

凡例 十四條

圖六

第一卷地理志

沿革 星野 疆域 形勝 山川

都里 烽堠 水利 墳墓 古蹟

集場 風俗

第二卷建置志

定襄縣志

目錄

一

城池 縣治 學校 公署 坊樓

舖舍 橋梁 兵防 茶房

第三卷田賦志

戶口 地糧 徭役 里甲 郵傳

課鈔 匠役 屯田 物產

第四卷秩祀志

壇壝 寺觀 祠廟

第五卷官師志

守臣 知縣 縣丞 主簿 典史

教諭 訓導 巡檢 倉大使 訓術

訓科 僧會 道會 部使 名宦

第六卷人物志

薦辟 鄉舉 進士 鄉貢 應例

掾屬 武功 武舉人 武進士 世職

封贈 恩蔭 鄉賢 孝義 節烈

隱逸 流寓 僊釋 賓客 老農

定襄縣志

目錄

二

第七卷灾祥志

災異 祥瑞

第八卷藝文志

碑文 墓祭文 詩詞

目錄終

重修定襄縣志凡例

一舊志創始於無極安公掇拾郡乘之遺手披成帙後豫章王公銳志重修彙為八卷視舊志加詳云然自萬 丙辰以迄今茲將近百年其間賄記闕畧非遠稽近攷後雖有好學嗜古之士其湮沒者多矣余不揣仍訂八卷體裁義例悉遵舊志而妍鄙空疎不足備史氏之一嚮也

定襄縣誌

凡例

一

一志例首列疆域山川重形勢也如古蹟坵墓不過附載以備觀覽若都里若河渠所關甚鉅分沃瘠而定額察原委以錯規與民請命不憚再三或不無小補云

一修繕城池敢云善政然未雨綢繆士民永賴富輸財而貧効力踴躍爭先亦千載一時也故於舊志為較詳

一戶口田賦為 國家重務寧詳毋畧蓋襄邑僻處山陬粟麥而外所產無幾編審詳核民力寬

舒庶動收人之撫恤乎

一學校所以正人倫祀典祭儀皆不可闕廼相沿日久不特祀典荒陋祭儀亦有不可問者今特捐俸照例增設虔肅將事用光祀典

一選舉自甲乙榜而外以及恩拔歲貢其年代可攷者悉附本名下

一官師著績一時垂憲來模固不敢妄加評騭其不盡削者仍舊志也至近代循良亟宜登錄

定襄縣誌

凡例



二



一臺使監司無論久近必書名者經濟碩畫今後之人得有所攷名實並傳不朽也故仍之

一名宦鄉賢事蹟行誼儘堪分載舊志列名宦於官師列鄉賢於人物亦足表章毋取乎另標也

一武科甲列名人物以舊志合武職武功為一卷故不移入選舉

一封贈 國恩也其存其沒並有榮施凡得與科名者以本身得封典如諸生布衣受封者以子





儒學教諭馮士儼

儒學訓導王鑑

典史胡禮乾

邑舉人薄鳳儀

薄而堅

邑貢生牛翰垣 韓玉珍採輯

薄雯翔 張天植

張翱 薄浩

定襄縣志

圖

六

郅景雲

邑監生薄滑 張芳聲

邑諸生吳佺 張二酉

牛亮之 李世昌全校

王揆

重續志姓氏

定襄知縣益津王會隆續修

儒學教諭樊度中

儒學訓導荆益祺

典史徐文瀛

邑舉人薄鳳儀 薄而堅

馬驥 薄經

張天彝 鄭相

定襄縣志

圖

七

石如珍

邑貢生梁壘 張天植

王揆 張翱

邑監生張岫雲 張芳聲採輯

邑生員李世昌 郭瀚

樊翰 韓齊黃

薄學之 夏勳全校

定襄縣志卷之一

地理志

夫履方履者察地形不出戶而知天下其綜覽博也裨官小史耳劇目涉猶有風土之記方制之載親蒞茲土而弗能舉其籍胡以自鏡也余攷定襄於晉為邊土疆域至弱小也非有形勝之固可難棲季之犯然自晉趙以來號令凡九嬗遞因通草遞守遞據焚然多變則蒲子之故墟足睹記矣天定襄縣志 卷之一 地理一

官所稽分野經度且不能合況其它乎居今之世志古之道異同有間矣作地理志沿革

定襄古冀北之楚舜疆理天下分冀東恒山之地為并州則隸并禹貢復為冀州殷周之則隸冀周成王以封弟丹虞曰唐固有晉水其子燮更號晉則隸晉戰國時趙襄子滅智伯分晉地三之一屬趙秦始皇併趙置太原郡屬太原漢為太原陽曲

縣地東漢末民為擾他徙其地遂空建安中曹

操驅聚塞下流民以實地始置定襄縣屬新興郡

魏晉因之惠帝時遷農人楊釗等三千戶於此

改晉昌縣屬晉昌郡後魏改秀容縣屬肆州復為

定襄與平寇蒲子三縣並未有城北齊武成河清

二年周將楊忠襲并州不克而還遂於古城北面

築城置三縣其中移肆州于雁門隋初復立新興

郡尋廢開皇十季西移平寇于代州之崞縣省定

定襄縣志

卷之一

地理二

襄復并秀容屬雲州十八年改秀容為忻州大業四年廢州存秀容屬樓煩郡唐初復新興郡領秀容武德元年率罷郡復忻州仍秀容二年為劉武周偽將楊長材所據四年大將李大恩討平封定襄王析秀容復置定襄天寶初改定襄郡宋元祐初復置定襄縣金仍定襄秀容屬定襄郡屬河東北路元仍定襄并秀容並屬忻州太原明并秀容於忻州仍定襄編戶二十里嘉靖十一年併一十九

里萬 二十一年置中路寧武道遂為三關邊縣
國朝因之隸忻州編戶一十八里

按沿革第據史所載并輯忻志成文舊志漢有史襄太守唐有定襄道行軍總管定襄都督府司馬之類而漢未嘗置郡置府何以稱太守都督且雲州定襄大同志載應朔之地此何以說也忻志金復為定襄郡置刺史屬河東北路及閱官師率云知忻州又何也如一秀容耳或并定襄或并忻州並難詳列則沿革安能盡合哉史關文大都類此存而不論可矣

星野

太史公曰趙地昴畢分楚定襄屬趙地則今野當在

定襄縣誌

卷之一

地理三

昴畢無疑其云一度僅管百里天道渺茫何從量度郡志謂太原正當參井縣舊志謂當東井二十八九度之間又不知何所改即日圍于天之下而未可辯也

疆域

定襄在府治東北一百八十里東界五臺縣邊家庄七十里西界忻州北霍村十五里南界陽曲縣岔口二十五里北界崞縣橫道鎮三十里東北驛路經紫

荆關至北京 百里東南驛路經固關至北京一千

三百四十里

形勝

叢蒙山峙其南卧虎山踞其北東枕牛臺西拱藍阜牧馬水前襟潯沱水後繞襟山帶河儼然四塞之國誠一方保障而三關鎖鑰也

山川

虎頭山 縣治西南三十五里以形名

定襄縣誌

卷之一

地理四

紅泉山

縣治西南三十五里山洞石紅泉源不絕故名即史實統著錄于此

叢蒙山

縣治南二十五里群峯聯絡至此端聳春夏雲氣合邇雨有雨霽侯廟景標蒙山雨霽

詩見藝文

居士山

縣治東南二十五里山下泉流側畔石室有古碑刻唐王維兄弟讀書於此

萬三十四年建塔本山以興隆宜文秀三十七年偶旱劉輝村人妄毀之可恨也

密頭山

縣治東南二十五里密雲寨取炭故名上有羊

團城山

縣治東南二十五里趙盾避難遇晚令軍士包土築城止宿故名猶存遺跡

七巖山

縣治東南十八里以石洞凡七得名中洞最深為患慮聖母祠相傳即為七巖不知此